



東坡後集目錄

第一卷

詩六十四首

次韻劉景文西湖席上

次韻谷馬忠



別諸山作三絕句

次韻范黃安中蕪簡林子中

留別寒道士棲辰

次韻畫王晉卿畫山水二首

又書王晉卿畫四首

山陰陳迹

雪巖乘興
西塞風雨

破琴詩

題王晉卿畫後

聽武道士彈智若

東堂次諸公舊詩韻三首

次韻子由晉卿所和二首

感舊

戲作放魚

復次放魚前韻

九月十五觀月聽琴西湖

次韻謝趙景貺陳履常見和

送歐陽主簿赴官帝城四首

泛韻

六觀堂老人草書

次韻劉景文見寄

次韻督兩歐陽詩破陳酒戒

勸履常飲

臂痛謁告作三絕句

到穎公帑已竭齋厨索然

兩歐陽許唱和以此句挑之贈月長老

次韻荅錢穆父見寄

荅王定國

送歐陽推官赴華州監酒以病在告獨酌

有懷諸君子望夜月庭梧之歐陽李默以油煙墨見餉

明日復以大魚為餽

和趙景貺栽檜

葉待制求先墳求墓亭詩與趙陳同過歐陽叔弼小齋

聚星堂雪

叔弼誦淵明事歎其絕識

喜劉景文至

禱兩龍公既應次韻劉景文

戲書樂天身心問荅後

西湖戲作一絕

送歐陽季默赴闕

用前韻作雪詩留景文

和劉景文見贈

和劉景文雪

次韻送劉景文

以屏山贈歐陽叔弼

新渡寺席上次韻送叔弼

第二卷

詩五十六首

春思且懷吳越山水

次韻陳履常張公龍潭

竹間亭小酌懷叔弼季默

蠟梅一首贈趙景旻

送王竦朝散赴闕

次韻張朝奉仍招晚飲

閣立本職貢圖

次韻王滁州見寄

和趙景旻求東齋榜銘

洞庭春色

送路都曹

次韻陳履常雪中

謝二鮮于以詩文見寄

趙德麟雪中惜梅且餽柑酒

和陳傳道雪中觀燈

閱世亭詩贈任仲微

新渡寺送任仲微

送運判朱朝奉入蜀

病中夜讀朱博士詩

趙德麟餞飲湖上舟中對月

贈朱遜之

和趙德麟送陳傳道

上巳游塗山荆山記所見

淮上早發

次韻徐仲車

次韻林子中春日書事見寄

送陳伯脩察院赴闕

送張嘉父長官

西湖成趙德麟見懷次韻

次韻趙德麟見懷絕句

再次韻趙德麟新開西湖

戲謝毛正仲惠茶

雙石

次韻和晁無咎學士相迎

次韻范淳父送秦少章

靈隱前一首贈唐林夫

滕達道挽詞二首

次韻蘇伯固送李孝博奉使

送晁美叔

王文玉挽詞

送芝上人游廬山

送程德林赴真州

谷林堂

杜與秀才學種松法二首

見徐州張天驥次舊韻

次韻劉景文贈傅曦秀才

遇定國有感

九日次定國韻

召還至都門先寄子由

次韻定國見寄

次韻穎叔穆父後

駕景靈宮

第三卷

詩六十四首

和范子功月石硯屏

次韻純父涵星硯月石風鉢屏

次韻錢穆父會飲

次韻穆父侍祠郊丘

郊祀慶成詩

和錢穆父蔣穎叔王仲至四首

見和西湖月下聽琴
玉津園
見和仇池
籍田

海神廟不果遷

沐浴僧舍與趙麟邂逅

次韻王仲至喜雪御筵

以仇池石借王晉卿

次天字韻谷岑巖起

石塔寺

次韻蔣穎叔二首

扈從景靈宮
擬祥池和叔益畫馬次韻

王晉卿欲奪海復次前韻

以石易畫晉卿難之復次韻

謝劉景文以畫松鶴為壽

謝程德孺惠海中柏石

東坡後集目錄
次秦少游韻贈姚安世

次丹元姚先生韻

次韻元日立春三首

上元待飲樓上三首

送蔣穎叔帥熙河

再送二首

次韻穎叔觀燈

玉晉卿奉詔押高麗燕射

次韻同賞田曹梅花

送襄陽從事李友諒歸錢塘

次韻吳傳正枯木歌

送黃師是赴兩浙憲

送范中濟經略侍郎得先字書見說之考牧圖後

呂與叔學士挽詞

次韻丹元子

書丹元子寧極齋

種樺枯禮曹北垣下

次韻錢穆父寄蔣穎叔二首表第程德孺生日

次公乞詩復用前韻

吳子野出家贈以扇山枕屏

東府雨中別子由

送王敏仲北使

書丹元子所示李太白真

次韻曾仲錫食蜜漬生荔枝

大行大皇太后挽詞二首

再和曾仲錫荔枝

次韻滕大夫三首

雪浪石

同前

沉香石

石芝

鶴歎

送曾仲錫通判如京師

和錢穆父送別并求頰酒

第四卷

詩七十首

劉醜斯詩

題毛女真

寄韶合刷餅與子由

次韻子由清汶老龍珠丹

書清汶老所傳秦湘二女圖紫團參寄王定國

次韻劉壽撫句蜜漬荔枝立春日小集呈李端叔

次韻曾仲錫元日見寄以檀香觀音為子由生日壽

送翟安常赴闕無寄子由中山松醪寄雄守王引進

次韻李端叔鴛鴦竹石圖次韻聰上人見寄

次韻王雄州還朝留別三月二十日多葉杏盛開

三月二十日開園三首次韻王雄州送侍其涇州

臨城道中作

過湯陰市得豌豆天麥粥

子由新脩龍興寺吳畫壁過高郵寄孫君孚

見長蘆天禪師三絕泊金陵阻風得鍾山泉公書

贈清涼寺和長老憶中和室

慈湖夾阻風五首過廬山下

壺中九華江西

秋馬歌初入聲韻過惶恐灘

欒野孤臺廉泉

鹿野外亭天竺寺

過大庾嶺宿建封寺三首

月華寺南華寺

碧落洞

峽山寺

舟行至清遠縣見詠字秀才 廣州蒲澗寺

贈蒲澗信長老

發廣州

浴日亭

游羅浮山

初到惠州

寓居合江樓

白水山佛迹巖

詠湯泉

自笑

朝雲

寄庾兒

松風亭下梅花盛開

再用前韻

新釀桂酒

惠守詹君見和復次韻

花落復次前韻

第五卷

詩六十八首

江郊

詹守攜酒見過

寄鄧道士

上元夜

游羅浮道院及栖禪精舍

與數客野宿求觀林氏花

龍尾石硯寄猶子遠

贈王子直秀才

次韻程正輔江行見桃花

追餞正輔至博羅賦詩為別

再用前韻賦

真一酒

游博羅香積寺

次韻定慧欽長老見寄公首

攜白酒鱸魚過詹史君

江漲用過韻

連雨江漲

初食荔支

梳柳杖寄張文潛

答周循州

次韻程正輔游碧落洞

酒醒步月理髮而寢

荔支歎

江月五首

聞正輔表兄將至以詩迎之

再和

同王輔表兄游白水山

與正輔游香積寺

次韻王輔同游白水山

次韻子瞻兄月中梳頭

和

夢與人論神仙道術

章質夫送酒書至而酒不到

小圃五詠

人參

地黃

枸杞

井菊

薔薇

雨後行菜

殘臘獨出二首

新年五首

過道遙堂何道士宗問疾

次韻劉湜峽山寺見寄

食荔支二首

和子由石菖蒲忽生九花

遷居

兩橋詩

東新橋
西新橋

悼朝雲

第六卷

詩六十六首

丙子重九二首

夜過西鄰翟秀才一首

次韻子由所居六詠

吳子野絕粒不睡

次韻惠循二守相會

又次韻二守同訪新居二首

循守臨行出小鬟復用前韻種茶

鑿井遇盤石石盡得泉 三月二十九日二首

謫海南作詩示子由 夢中得句覺而遇清風急雨

次前韻寄子由 安期生

夜夢 遷居之夜聞隣舍兒誦書

聞子由瘦 客俎無肉又子由勸不讀書

有老楮 觀碁

糴米 入寺

次韻子由三首 東亭 東樓 柳子冠

次韻子由月季花再生 次韻子由浴罷

借前韻賀子由生第四孫 獨覺

夜坐達曉寄子由 謫居三適 旦起理髮 午客坐睡 夜卧濯足

子由生日 黃子未拄杖為子由生日壽

得邁寄書酒用過韻寄子姪 上元過赴倦守召獨坐有感

上巳與老符秀才飲 新居

五色雀 倦夜

用過韻冬至與諸生飲酒 縱筆三首

貧家淨掃地 次韻贈吳子野先生二首

被酒獨行三首 夜燒松明火

聞黃河已復北流 天門冬酒熟二首

追和戊寅歲上元

題過所畫枯木竹石

真酒二歌

第七卷

詩八十九首

汲江煎茶

鳥紫

登瀛驛通潮閣二首

洞酌亭詩

六月二十日夜渡海

自雷達廉宿淨行院

廉州龍眼

合浦愈上人訪道南嶽

梅聖俞茅庵

歐陽晦天惠琴枕

留別廉守

銜笙詩

歐陽晦夫遺接離琴枕

次韻王爵林

藤州江上夜起對月

東山浮金堂戲作

鮮于都曹歸蜀

送邵道士彥肅還都嶠

書韓幹二馬

將至廣州寄邁迨二子

贈鄭清叟秀才

和孫叔靜兄弟

廣倅蕭大夫借前韻

王進叔所藏畫跋尾五首

符懸杏花
趙昌四季芍藥躑躅寒菊山茶

和黃秀才鑒空閣

帝偃牧馬圖

題靈峰寺壁

衆妙堂

題馮通直明月湖詩

次韻鄭介夫一首

九江與蘇伯固唱和

次韻韶守狄大夫

次韻韶倅李通直三首

狄韶州者嘗受青蘆服灸

李伯時畫隱宅圖

贈龍光長老

贈嶺上老人

贈嶺上梅

龍泉鍾上次前韻

過嶺二首

留題顯聖寺

過田氏水閣留題

乞數珠

鬱尉孤臺再過虔州和前韻

虔守霍大夫復次前韻

贈虔州術士謝君

虔州景德寺榮師湛然堂

和陽行先

用數珠韻贈湜長老

和猶子遲韻贈孫志舉

作六齋為答南禪長老

重賦數珠韻答南禪和詩一首

用前韻再和霍大夫

用前韻再和許朝奉

用前韻再和孫志舉

崔又學申攜文見過

畫車詩二首

呂承事讀書作詩不已其甚

贛上留別王子直

次韻江晦叔二首

次韻江晦叔無呈器之

寒食與器之游寂照堂

戲語器之同參玉板長老

清都觀謝道士求詩

贈詩僧道通

張競辰永康所居萬卷堂

劉杜與長官是是堂

和臺中九華詩韻

次韻郭功甫二首

次韻法芝舉舊詩

東坡集卷之十一
十一
次舊韻贈清涼長老

聞木元章到送麥門冬飲子

夢中作寄朱行中

答徑山琳長老

寄黃師是

第八卷

賦八首

黠鼠賦

秋陽賦

洞庭春色賦

中山松醪賦

沉香山子賦

酒子賦

濁醪有妙理賦

天慶觀乳泉賦

詩一首

何公橋詩

琴操一首

醉翁操

辭二首

王大年哀辭

鍾子翼哀辭

頌一首

桂酒頌

銘八首

四達齋

擇勝亭銘

德威堂銘

洗玉池銘

雪浪齋銘

漢鼎銘

潛珍閣銘

九成臺銘

第九卷

硯銘十二首

丹石硯銘

王仲儀硯銘

端石硯銘二首

黃魯直銅雀硯銘

陳公密于石硯銘

龍尾石月硯銘

邁硯銘

迨硯銘

郊硯銘

唐陸魯望硯銘

贊八首

九馬圖贊

黃初平牧羊圖贊

三疎圖贊

延州來季子贊

偃松屏贊

三馬圖贊

李潭漢馬圖贊

李端叔真贊

雜文十六首

太息一首

書王與所藏太宗御書後

送越塘僧思聰歸孤山叙

書諸公送周祥州詩後

趙德麟字說

書杜輿子師字說後

書東臯子傳後

書黃子思詩集後

外曾祖程公逸事

藥誦

補龍山文二首

東坡酒經

書柳子厚牛賦後

剛說

續添生論

第十卷

秘閣試論六首

王者不治夷狄論

劉愷丁鴻孰賢論

禮義信足以成德論

形勢不如德論

禮以養人為本論

既醉備五福論

御試制科策一道

擬進士對御試策一道 并引狀

第十一卷

志林十三首

第十二卷

表狀劄子

辭免翰林學士承旨狀三首

乞候坤成節上壽訖復遂前請狀

謝宣召入學士院狀二首

謝賜對衣金帶馬狀二首

笏記二首

辭免兼侍讀劄子

謝兼侍讀表二首

謝三伏早休表二首

謝除龍圖閣學士知穎州表二首

謝賜對衣金帶馬狀二首

穎州謝到任表二首

賀德音表二首

賀興龍節表

賀駕幸太學表二首

謝賜曆日表二首

揚州謝到任表二首

謝賜卹刑詔書表二首

賀立皇后表二首

賀坤成節表

第十三卷

表狀劄子

謝除兵部尚書賜對衣金帶馬狀二首

謝兼侍讀表二首

進郊祀慶成詩表

任兵部尚書乞外任劄子

辭兩職并乞郡劄子二首

謝除兩職守禮部尚書表二首

謝賜對衣金帶馬狀二首

笏記二首

定州謝到任表

慰正旦表

謝賜曆日表

慰宣仁聖烈皇后山陵禮畢表

慰宣仁聖烈皇后祔廟禮畢表

謝賜衣襖表

到惠州謝表

到昌化軍謝表

提舉玉局觀謝表

慰皇太后上仙表

疏文

興龍節功德疏文五首

坤成節功德疏文七首

太皇太后本命歲功德疏文

景靈宮祈福道場功德疏文

第十四卷

啓

東坡後集目錄
答杭州交代啟

答館職啟

穎州到任謝執政啟

與京西運使劉昱啟

揚州到任謝執政啟

答晁發運及謝諸郡啟

賀彭發運啟

答杜侍郎啟

定州到任謝執政啟

謝本路監司啟

謝諸郡啟

賀隣帥及監司冬至啟

賀隣帥及監司正旦啟

答丁連州啟

答陳提刑啟

答彭智州啟

答王承議啟

答王幼安宣德啟

書

杭州上執政書二首

揚州上呂相書

答度倅俞括奉議書

答王庠書

答潮州吳秀才書

答謝舉廉書

答劉沔都曹書

第十五卷

記一

衆妙堂記

瓊州惠通泉記

南安軍學記

順濟王廟新獲石磬記

碑

上清儲祥宮碑

昭靈侯廟碑

潮州韓文公廟碑

峻靈王廟碑

伏波將軍廟碑

第十六卷

傳

率子庶傳

祝文

穎州謁文宣王廟祝文

謁諸廟祝文

德音到州祭諸廟祝文

祈雨迎張龍公祝文

送張龍公祝文

立春祭土牛祝文

謝情祝文

祈雨僧伽塔祝文

定州謁諸廟祝文

謁文宣王廟祝文

北嶽祈雨祝文

立春祭土牛祝文

春祈北嶽祝文

春祈諸廟祝文

祈雨諸廟祝文

定州辭諸廟祝文

祭文

祭大覺禪師文

祭歐陽文忠公文

祭張文定公文三首

祭龍井辨才文

祭亡妻同安郡君文

祭韓忠獻公文

太行太皇太后靈駕發引文

祭滕大夫毋楊夫人文

惠州祭枯骨文

祭亡妹德化縣君文

東坡後集卷之五
祭柳仲達文二首

祭吳子野文

第十七卷

墓誌

張文定公墓誌銘

第十八卷

墓誌

故龍圖閣學士滕公墓誌銘 王子立墓誌銘

寶月大師塔銘

陸道士墓誌銘

惠州官苑呈暴骨銘

神道碑

趙康靖公神道碑

第十九卷

釋教五十首

請淨慈法誦禪師入都疏

捨銅龜子文

書若達所書經後

重請戒長老住石塔疏

書孫元忠所書華嚴經後

觀音贊

羅漢贊十六首

水陸法像贊十六首

釋迦文佛頌

僧迦贊

阿彌陀佛贊

無名和尚頌觀音偈

無名和尚傳贊

蘇程庵銘

東坡後集目錄
思無邪齋銘

虔州崇慶禪院新經藏記

書柳子厚大鑿禪師碑後

書金光明經後

金剛經跋尾

廣州東莞縣資福寺舍利塔銘

第二十卷

釋教二十五首

海月辯公真贊

夢齋銘

十八大阿羅漢頌各一首

藥師琉璃光佛贊

廣州資福寺羅漢閣碑

靜安縣君許氏繡觀音贊

繡佛贊

東莞資福堂老丹生栢贊

補禪月羅漢贊九首

談妙齋銘

南華長老重辯師逸事

南華長老題名記

南安軍常樂院新作經藏銘

靈感觀音偈

漫長老直贊

清隱堂銘

觀音菩薩頌

東坡後集目錄

東坡後集卷第一

詩六十四首

次韻劉景文西湖席上一首

二老長身屹兩峰
常撞大呂應黃鍾
將辭鄴下劉公幹
却見雲間陸士龍
白髮憐君略相似
青山許我定相從
吾今官已六百石
慙愧當年邴曼容

次前韻答馬忠玉一首

坡陀巨麓起連峰
積累當年慶自鍾
靈運子孫俱得鳳
慈明兄弟孰非龍
河梁會作看雲別
詩社何妨載酒從
祇有西湖似西子
故應宛轉為君容

予去杭十六年而復來留二年而去平生
自覺出處老少粗似樂天雖才名相遠而
安分寡求亦庶幾焉三月六日來別南北
山諸道人而下天竺惠淨師以醜石贈行
作三絕句

當年衫鬢兩青青強說重臨慰別情衰髮祇今無可
白故應相對話來生

出處依依似樂天敢將衰朽較前賢便從洛社休官
去猶有開在二十年

在郡依前六百日山中不記幾回來還將天竺一峯

去欲把雲根到處栽

次韻答黃文中兼簡林子中

老去心灰不復然一麾江海意方堅那堪黃散付予
度空羨杭蘇養樂天病肺一春難白酒別腸三夜遶
朱絃群仙政欲吾歸去共把清風借玉川

留別蹇道士拱辰

黑月在濁水何曾不清明寸田滿荆棘梨棗無從生
何時反吾真歲月今崢嶸屢接方外士早知俗緣輕
庾桑託雞鶩未肯化南榮晚識此道師似有宿世情
笑指北山雲訶我不歸耕仙人漢陰馬徵服方地行

咫尺不往見煩子通姓名願持空手去獨控橫江鯨
次韻子由書王晉卿畫山水二首

老去君空見畫夢中我亦曾遊桃花縱落誰見水到
人間伏流

山人昔與雲俱出俗駕今隨水不回賴我胸中有佳
處一樽時對畫圖開

又書王晉卿畫四首

山陰陳迹

當年不識此清真強把先生擬季倫等是人間一陳
迹聚散金谷本何人

雪谿乘興

谿山雪月雨佳哉賓主談鋒夜轉雷猶言不見戴安
道為問適從何處來

四明狂客

毫端偶集一微塵何處谿山非此身狂客思歸便歸
去更求救賜枉天真

西塞風雨

斜風細雨到來時我本無家何處歸仰看雲天真弱
笠旋收江海入蓑衣

破琴詩并引

舊說房瑄開元中嘗宰盧氏與道士邢和璞出游過
夏口村入廢佛寺坐古松下和璞使人鑿地得窖中
所藏婁師德與永禪師書笑謂瑄曰頗憶此耶瑄因
悵然悟前生之為永師也故人柳子玉寶此畫云是
唐本宋復古所臨者元祐六年三月十九日子自杭
州還朝宿吳松江夢長老仲殊挾琴過予彈之有異
聲就視琴頗損而有十三絃予方歎惜不已殊曰雖
損尚可倚曰奈十三絃何殊不荅誦詩云度數形名
本偶然破琴今有十三絃此生若遇邢和璞方信秦
筆是響泉予夢中了然識其所謂既覺而忘之明日

晝寢復夢殊來理前語再誦其詩方驚覺而殊適至
意其非夢也問之殊蓋不知是歲六月見于玉之于
子文于京師求得其畫乃作詩并書所夢其上于玉名
璉善作詩及行草書復古名迪畫山水草木蓋妙絕
一時仲殊本書生棄家學佛通脫無所着皆奇士也
破琴雖未脩中有琴意足誰云十三絃音節如佩玉
新琴空高張絲聲不附木宛然七絃箏動與世好逐
陋矣房次律因循墮流俗懸知董庭蘭不識無絃曲

題王晉卿畫後

醜石半蹲山下虎長松倒卧水中龍試君眼力看多

少數到雲峰第幾重

聽武道士彈賀若

清風終日自開簾涼月今宵肯挂簷琴裏若能知賀若詩中定合愛陶潛

元祐六年六月自杭州召還汶公館我於東堂閱舊詩卷次諸公韻三首

半熟黃梁日未斜玉堂陰合手栽花却尋三十年前味未飯鍾聲已飯茶

夢覺還驚蝶響廊故入來炷影前香鬢鬢白盡成何

事一帖空存老遂良

法帖中有褚遂良書云即日遂良鬢髮盡白

又一東來喚我歸衰年已迫故山期文章曹植今堪却卷波瀾入小詩

次韻子由書王晉卿畫山水一首而晉卿

和二首

誤點故教同子敬雜篇真欲擬湯休龍雲寄我山中

信雪月追君溪上舟會看飛僊虎頭篋却來鎮倒掄

遺表

子美詩云天吳與紫鳳顛倒在短褐

王孫辨作玄真子細雨斜風

不濕鷗

此境眼前聊妄想幾人林下是真休我今心似一潭

月君已身如萬斛舟看畫題詩雙鶴鬢歸田送老一

羊裘明年燕與士龍去萬頃蒼波沒兩鷗

感舊詩并引

嘉祐中予與子由同舉制策寓居懷遠驛時年二十六而子由二十三耳一日秋風起雨作中夜儵然始有感驟離合之意自爾宦游四方不相見者十常七八每夏秋之交風雨作木落草衰輒悽然有此感蓋三十年矣元豐中謫居黃岡而子由亦貶筠州嘗作詩以記其事元祐六年予自杭州召還寓居子由東府數月復出領汝陰時予年五十六矣乃作詩留別子由而去

床頭枕馳道雙闕夜未央車轂鳴枕中客夢安得長
新秋入梧葉風雨驚洞房獨行慚月影悵焉感初涼
筮仕記懷遠謫居念黃岡一往三十年此懷未始忘
扣門呼阿同子由同叔安寢已太康青山映華髮歸計
三月粮我欲自汝陰徑上潼江章想見冰槃中石蜜
與柿霜予欲請東川而歸憐子遇明主憂患已再嘗
報國何時畢我心久已降

西湖秋涸東池魚窘甚因會客呼網師遷
之西池為一笑之樂夜歸被酒不能寐戲
作放魚一首

東池浮萍半粘塊裂碧跳青出魚背西池秋水尚涵
空舞闊搖深吹符帶吾僚有意為遷居老守縱饒那
忍膾縱橫爭看銀刀出澆滸初驚玉花碎但愁數苦
損鱗鬣未信長堤隔濤瀨滅滅發發須臾間團團洋
洋尋丈外安知中無蛟龍種尚恐或有風雲會明年
春水漲西湖好去相忘渺淮海

復次放魚前韻答趙承議陳教授

擾擾萬生同大塊捨榆不羨培風背青丘已吞雲夢
芥黃河復繚天門帶長譏韓子隘且陋一飽鯨魚何
足膾東坡也是可憐人披挾泥沙收細碎並將歸脩

公節灘又欲往釣七里瀨正似此魚逃網中未與
物遊數外且將新句調二子湖上秋高風月會為君
更喚木腸兒脚扣兩舷歌小海

九月十五日觀月聽琴西湖一首示坐客

白露下衆草碧空卷微雲孤光為誰來似為我與君
水天浮四坐河漢落酒樽使我冰雪腸不受麴蘖醺
尚恨琴有絃出魚亂湖紋哀彈本舊曲妙耳非昔聞
良時失俯仰此見寧朝昏懸知一生中道眼無由渾

復次前韻謝趙景貺陳履常見和兼簡歐

叔弼兄弟

東坡後集卷之二
能詩李長吉識字揚子雲端能望此府坐歎獲兩君
逝將江湖去浮我五石樽春馬復少留尚為世所醺
或勸莫作詩兒輩上織紋朱絃寄三歎未害俗耳聞
共尋兩歐陽伐薪照黃昏是家有甘井汲多終不渾

送歐陽主簿赴官常城四首

鳳雛驥子日相高白髮蒼顏笑我曹讀遍牙籤三萬
軸却來小邑試牛刀

出處年來恨不齊一樽臨水記分攜江湖咫尺吾將
老汝穎東流子却西

白馬津頭春水來白魚猶喜似江淮使君已復水堂

汝更勸重新畫舫齋

道傍垂白定沾巾正似當年綠髮新故國依然喬木
在典刑復見老成人

泛穎一首

我性喜臨水得穎意甚奇到官十日來九日河之湄
吏民笑相語使君老而癡使君實不癡流水有令姿
遶郡十餘里不駛亦不遲上流直而下流曲而漪
畫船俯明鏡笑問汝為誰忽然生鱗甲亂我須與眉
散為百東坡頃刻復在茲此豈水薄相與我相嬉嬉
聲色與臭味顛倒眩小兒等是兒戲物水中少磷淄

趙陳兩歐陽同參天人師觀妙各有得共賦泛頴詩

六觀堂老人草書詩一首

物生有象象乃滋夢幼無根成斯頃方其夢時了非
無泡影一失俯仰殊清露未晞電已徂此滅滅盡乃
真吾云如死灰實不枯逢場作戲三昧俱化身為醫
忘其軀草書非學聊自娛落筆已喚周越奴蒼鼠奮
髯飲松腴刻藤玉板開雪膚遊龍天飛萬人呼莫作
羞澁羊氏姝六觀取金剛經夢幻等六物也老人備
了性精於此而善草書下筆有遠韻而
不莫知貴
故作此詩

次韻劉景文見寄一首

東來雙鯉魚巧將書信渡江湖細看落墨皆精
想見掀髯正鶴孤烈士家風安用此書生習氣未
能無莫因老驥思千里醉後哀歌缺呼壺

次韻趙景旣督兩歐陽詩破陳酒戒一首

商也衰未散歲月忽已秋祥琴雖未調餘悲不敢留
辨此乃韻語未入金石流羲之生五之摠角出銀鈎
吾家有二許下筆兩不休君言不能詩此語人信不
千鍾斯為堯百榼斯為丘陋矣陶士衡當以太白浮
酒中那有失醉則不驚鷗明當罰二子已洗兩玉舟
叔弼云履常不飲故不作詩勸履常飲一

我本畏酒人臨觴未嘗訴平生坐詩窮得句忍不吐
吐酒茹好詩肝胃生滓汙用此較得喪天豈不足付
吾儕非二物歲月誰與度惜焉得長愁為計已大誤
二歐非無詩恨予不飲故強為醕一酌將非作愁具
成言如皎日援筆當自賦他年五君詠山王一特數
臂痛謁告作三絕句示四君子

公退清閑如致仕酒餘歡適似還鄉不妨更有安心
病卧看紫簾一炷香

心有何求遣病安年來古井不生瀾祇愁戲瓦閑量

手却作泠泠一水看

小閣低窓卧晏温了然非默亦非言維摩示病吾真
病誰識東坡不二門

到頴木幾公帑已竭齋厨索然戲作數句

我昔在東武吏方謹新書齋空不知春客至先愁予
采把聊自誑食菊不敢餘歲月今幾何齒髮日向疎
幸此一郡老依然十年初夢飲本來空真飽竟亦虛
尚有赤脚婢能烹頰尾魚心知皆夢耳慎勿歌歸歎
景貺履常屢有詩督叔弼季默唱和已許
諾笑復以此句挑之

君家文律冠西京旋築詩壇按酒兵袖手莫輕真符
種致師須得老門生明朝鄭伯降誰受昨夜條侯壁
已驚從此醉翁天下樂還應一舉百觴傾蘇忠公贈
我亦能取勇豈敢請其勇
快哉天下樂一醜宜百觴

贈月長老一首

天形倚一笠地水轉兩輪五霸之所連毫端柄一塵
功名半幅紙兒女浪苦辛子有折足鎗中容五合陳
十年此中過却是英特人延我地爐坐語軟意甚真
白灰如積雪中紅駉麟勿觸紅駉麟作灰維那眼
銀手但默坐牆壁方諄諄今宵恨客多汗子白氈巾

後夜當獨來不煩主與賓蒲團坐紙帳自要觀我自
次韻谷錢穆父以軾得汝陰用抗越唱酬
韻作詩見寄一首

大耿疲勞已離群小馮慈愛且當門

軾本以舍弟
親懃請即

玉

堂不著扶犁手霜髮偏宜畫鹿轡豪傑雖無兩王繼
深直風流猶有二歐存叔弼
季黜清詩已入新歌舞要使
邦人識雅言

韓退之孟郊墓銘云以昌其詩舉此問王
定國當昌其身耶昌其詩也來詩下語未
契作此答之

昌身如飽腹飽盡還當飢昌詩如膏面為人作容姿
不如昌其氣鬱鬱老不衰雖云老不衰劫壞安所之
人言魏勃勇股栗向小兒何如魯連子談笑却秦師
慎勿怨謗乃我得道資淤泥生蓮華糞壤出菌芝
賴此善知識使我枯生美吾言豈須多冷暖子自知

送歐陽推官赴華州監酒

我觀文忠公四子皆超越仲也珠徑寸照夜光如月
好詩真脫光下筆先落鵲知音如周郎議論亦英發
文章乃餘事學道探玄窟死為長白王名字書絳闕

蘇軾之末仲純父見僕於京城之東曰吾夢道士持
一白鳥後吾曰上帝命汝為長白山主此何祥也明年
汝復陽心亦類寔已伴白鷗沒喜見三少年俱有子
聖賢子空不難到莫遣歷塊蹶臨分出苦語願子書
之勿

十月十四日以病在告獨酌一首

翠柏不知秋空庭失搖落幽人得佳蔭露坐方獨酌
月華稍澄穆霧氣尤清薄小兒亦何知相語翁正樂
銅爐燒柏子石鼎煮山藥一盃賞月露萬象紛醜醉
此生獨何幸風纜欣初泊逝逃顏蹙網行赴松喬約
莫嫌風有待漫欲戲寥廓冷然心境空髮鬢來笙鶴

獨酌試藥玉滑琰有懷諸君子明日望夜
月庭佳景不可失作詩招之一首

鎔鉛煮白石作玉真自欺琢削為酒盃規摹定州甕
荷心雖淺挾鏡面良渺瀰持此壽佳客到手不容辭
曹侯天下平定國豈其師一飲至數石温克頗似之
風流越王孫詩酒屢出奇喜我有此客玉盃不徒施
請君詰歐陳問疾來何遲呼兒掃月榭扶病及良時
歐季默以油煙墨二丸見餉各長寸許戲
作小詩

因拾輕煤佛帳掃餘馥辛勤破千夜收此一寸土

癡人畏老死腐朽同草木欲將東山松涅盡南山竹
墨堅人苦脆未用歎不足且當注蟲魚莫草三千牘

明日復以大魚為餽重二十斤且求詩故
復戲之

漢庭九尺人誰似老方朔那得一寸金令足三冬學
餉魚欲自洗鱗尾光卓犖我是騎鯨手聊堪充鹿角

和趙景貺栽檜

汝陰多老檜處處屯蒼雲地連丹砂井物化青牛君
時有再生枝頴之靈壇觀亦有再生檜還作左紐紋王孫有古意
書室延清芬應憐四孺子不憤凡木群體備松柏姿

氣含芝木薰初扶鶴立骨未出龍纏筋巢根白蟻亂
網葉秋蟲紛乃知蔽蒂初甚要封植勤他年皮三寸
狐鼠了不聞

葉待制求先墳永慕亭詩一首

靈區有異產化國無潛珍承平百年間簪纓半齊民
建溪富奇偉葉氏初隱淪森然見喬木其下維德人
佳哉鬱葱葱氣若鳳與麟聯翩出儒將豈惟十朱輪
新松無鹿觸舊柏有烏馴待公歸上冢淚葉乃肯春
與趙陳同過歐陽叔弼新治小齋戲作一首
江湖渺故國風雨傾舊廬東來三十年愧此一束書

尺椽亦何有而我常客居羨君開此室容膝真有餘

柏床琴動搖弄筆窓明虛後夜龍作雨天明雪填渠

時方禱雨龍祠作此句時星斗
燦然四更風雨大至明日乃雪 夢回聞剝啄誰乎趙

陳予添丁走沽酒通德起挽蔬主孟當啗我玉鱗金

尾魚一醉忘其家此身自遜蔭

聚星堂雪一首

元祐六年十一月一日禱雨張龍公得小雪與客會

飲聚星堂忽憶歐陽文忠公作守時雪中約客賦詩

禁體物語於艱難中特出奇麗爾來四十餘年莫有

繼者僕以老門生繼公後雖不足追配先生而賓客

東坡後集卷之十一
十四
之美殆不減當時公之二子又適在郡故輒舉前令
各賦一篇

窓前暗響鳴枯葉龍公試手行初雪映空先集疑有
無作態斜飛正愁絕衆賓起舞風竹亂老守先醉霜
松折恨無翠袖點橫斜祇有微燈照明滅歸來尚喜
更鼓暗晨起不待鈴索掣未嫌長夜作衣稜却怕初
陽生眼纈欲浮大白追餘賞幸有回颺驚落屑模糊
檜頂獨多時歷亂瓦溝裁一瞥汝南先賢有故事醉
翁詩話誰續說當時號令君聽取百戰不許持寸鐵
歐陽叔弼見訪誦陶淵明事歎其絕識叔

弼既去感槩不已而賦此詩

淵明求縣令本緣食不足束帶向督郵小屈未為
翻然賦歸去豈不念窮獨重以五斗米折腰營口腹
云何元相國萬鍾不滿欲胡椒銖兩多安用八百斛
以此殺其身何翅抵鵠玉往者不可悔吾其及自燭

喜劉景文至一首

天明小兒更平傳呼尋劉已到城南隅尺書真是
手迹起坐慰眼知有無今人不作古人事今世有此
古丈夫我聞其來喜欲舞病自能起不用扶江淮旱
久塵土惡朝來清雨濯髮鬢相看握手了無事千里

一笑無乃迂平生所樂在吳會老死欲葬抗輿蘇過
江西來二百日冷落山水愁吳姝新堤舊井各無恙
參寥六一豈念吾別後新詩巧摹寫袖中知有錢塘
湖

禱雨龍公既應劉景文有詩次韻

張公晚為龍抑自龍中來伊昔風雲會咄嗟潭洞開
精誠苟可貫賓主真相陪洞簫振羽舞白酒浮雲雷
言從關洲死遠去焦氏臺倒瓶中雨一洗麥上埃
破旱不論功粟雲却空田嗟龍與我輩用意豈遠哉
僕君今于義英風冠東萊笑說龍為友幽明莫相猜

劉景文家藏樂天身心問答二首戲書一絕其後

淵明形神自我樂天身心相物而今月下三人他日
當成幾佛

西湖戲作一絕

一士千金未易償我從陳趙兩歐陽舉鞭拍手笑山
簡祗有并兒一葛強

送歐陽季默赴闕一首

先生豈止一懷祖即君不減王文度膝上幾日今日
鬢冷我眼中見此父汝南相從三晦朔君去苦早我

來莫霜風淒緊正脫木穎水清淺可立驚莫辭白酒
瀉香泉已覺扁舟掠新渡坐看士衡執別手更遣夢
得出奇句即君可是筦庫人乃使驥騄隨蹇步置之
行矣無足道賢愚豈在遇不遇

用前韻作雪詩留景文一首

萬松巔上黃千葉載酒年年踏松雪剗即去後誰復
來花下有人心斷絕東齋夜坐搜雪句兩手遍拚霜
湏折無情豈亦畏嘲弄穿簾入戶吹燈滅紛紛兒女
爭所似碧海長鯨君未掣朝來雲漢接天流顧我小
詩如點纈歐陽趙陳在戶外急掃中庭鋪木屑交遊

雖似雪柏堅聚散行作風花散晴光融作一尺泥歸
有何事真無說泥乾路穩放君去莫倚馬蹄如踏鐵

和劉景文見贈一首

元龍本志陋曹吳豪氣崢嶸老不除失路今為噲等
伍作詩猶似建安初西來為我風薰面獨卧無人雪
縞廬留子非為十日飲要令安世誦亡書

和劉景文雪

占雨又得雪龜寧欺我哉似知吾輩喜故及醉中來
童子愁冰硯佳人苦膠盃那堪李常侍入蔡夜銜枚

次前韻送劉景文一首

白雲在天不可呼明月豈肯留庭隅怪君西行八百
里清坐十日一事無路人不識呼尚書但見凜凜雄

千夫君一馬兩僕率然相訪逆旅豈知入骨愛詩酒

醉倒正欲蛾眉扶一篇向人寫肝肺四海知我霜鬢

鬚君前有詩見寄云四海共知歐陽趙陳皆我有豈

謂夫子駕復迂爾來又見三黜柳共此暖熱食鹽蘇

酒有酸薄紅粉暗祇有穎水清而姝一朝寂寞風雨

散對影誰念月與吾邵中曰與歐陽叔弼趙景照陳

柳戒之亦見過賓客之盛頃所未有何時歸帆派江

水春酒一變其棠湖景文近卜居九江近其棠湖

以屏山贈歐陽叔弼一首

漫即天骨清生與世俗異學道新有得為貧聊復往

每於紅塵中常起青霞志屏山擬贈子莫遣汗簪珥

寓目紫翠間安眠本非睡夢中化為鶴飛入長松寺

新渡寺席上次趙景貺陳履常韻送歐陽

叔弼此來諸君唱和叔弼但袖手旁觀而

已臨別忽出一篇頗有淵明風製坐皆驚

歎

神屠不目全妙頰惟粧半更刀乃族庖倚市必醜悍

平生魏公籌忽斷郢人墁詩書亦何用適道須此館

多言雖數窮微中或排難予詩如清風琴琴發將回
胡為久閉匿綺語真自患許時笑我癡隔屋相咏歎
竟識彥道否絕叫呼百萬清朝固多士入門子皆冠
莫言清潁水從此隔河漢異時我獨來得魚楊柳貫
持歸不忍食尺素解悽斷中有清圓句銅丸飛拓彈
春愁結凌澌正待一笑泮百篇儻寄我呻吟鄭人緩

東坡後集卷第一

東坡後集卷第二

詩五十六首

次韻趙景貺春思且懷吳越山水一首

歲華來無窮老眼久已靜春風如繫馬未動意先驥

西湖忽破碎碎鳥落魚動鏡縈城理枯瀆放聞起膠艇

顛君營此樂宦事何時竟清河西湖三思吳信偶然

出處付前定飄然不繫舟乘此無盡興醉翁行樂處

草木皆可敬明朝游北渚急掃黃葉徑白酒真到齊

紅裙已放鄭

酒尚有香泉一壺為樂
全先生服不作樂也

次韻陳履常張公龍潭一首

經明宣城宰家此百尺瀾鄭翁不量力敢以非意干
玄黃雜兩戰絳青表雙蟠事見龍碑烈氣斃強敵仁心
惻飢寒精誠禱必赴苟簡求亦難蕭條麥甍枯浩蕩
日月寬念子無吏責十日勤征鞍春蔬得雨雪少助
先生槃龍不憚往來而我獨宴安閉閣默自責神交
清夜闌

竹間亭小酌懷歐陽叔弼季默呈趙景貺

陳履常一首

歲莫自急景我閑方緩觴醉餘西湖晚步轉北渚長
地坐略少長意行無澗岡久知蒼麥青稍喜榆柳黃

蒼蒼春欲動漱漱夜未央水天鷗鷺靜月霧松栢香
撫景方婉婉懷人重淒涼豈無一老真坐念兩歐陽
我意正麋鹿君才亦圭璋此會恐難久此歡不可忘

蠟梅一首贈趙景貺

天上點酥作梅花北有蠟梅禪老家蜜蜂採花作黃
蠟取蠟為花亦其物天工變化誰得知我亦兒嬉作
小詩君不見萬松嶺上黃千葉玉葉檀心兩哥絕醉
中不覺度千山夜聞梅香失醉眠歸來却夢尋花去
夢裏花仙覓奇句此間風物屬詩人我老不飲當付
君君行適具我適越笑指西湖作木鐸

送王濂朝散赴闕

我家衡山公清而畏人知臧否不出口默識如著龜
擢于拱把中云有驥駮姿胡為三十載尚作窮苦詞
丈人不安語未効此可疑竭來清潁上淚濕中郎詩
怪我一年長而作十年衰同時幾人在豈敢怨白鬣
願言指松柏永與霜雪期伯父為衡州日與君相知有送行詩
次韻致政張朝奉仍招晚飲

掃白非黃精輕身豈胡麻怪君仁而壽未覺生有涯
白經丹化米親授棗如瓜雲烝作霧楷火滅巽雨已
自休養銀鼎無窮走河車至今許玉斧猶事夢綠華

君見水州阿仙姑得藥餌之人疑其以此為也故有丹化米夢綠華之句皆女仙事我本三

主人嚙昔一念差前生或草聖習氣餘驚蛇儒腥謝
赤松佛縛慙丹霞時時一篇出擾擾四座譁清詩得
可驚信美詞多夸回車入官府治具隨貧家洋齋與
豆粥亦可成咄嗟

閻立本職貢圖

正觀之德來萬邦浩如滄海吞河江音容倍得服奇
厓橫絕崩海逾濤瀧瓊禽瑰產罕牽扛名王解辦却
蓋幢粉本遺墨開明窓我喟而作心未降魏徵封倫
恨不雙

次韻王滁州見寄

斯人何似似春雨歌舞農夫怨行路君看永叔與元
之坎軻一生遭口語兩翁當年髮未絲玉堂揮翰手
如飛教得滁人解吟詠至今里巷嘲輕肥君家聯翩
盡卿相獨來坐歎谿山上笑捐浮利一雞肋多取清
名幾能掌丈夫自重貴難售兩翁今與青山久後來
大守更風流要伴前人作詩瘦我勸承明苦求出到
處遺蹤尋六一憑君試與問琅耶許我來游莫難色
趙景旸以詩求東齋謗銘昨日聞部下寄
酒來戲和其韻求分一壺作潤筆色

王孫天駟麟眸子與而徹囊空學愈富屋陋人更傑
我老書益放筆落座辛掣欲求東齋銘要飲西湖雪
長餅分未到小硯乾欲裂不似淳于髡一石要燭滅

洞庭春色一首并引

安定郡王以黃柑釀酒謂之洞庭春色色香味三絕
以餽其猶子德麟德麟以飲予為作此詩醉後信筆
頗有香拖風氣

二年洞庭秋香霧長嘆手今年洞庭春玉色疑非酒
賢王文字飲醉筆蛟蛇走既醉念君醒遠餽為我壽
餅開香浮座瓊凸光照牖方傾安仁醪潘岳笙熱云
披黃苞以投

相傾綠苑以酌醴莫遣公遠皇明皇食料凡千餘故皆開
道士觀之蓋羅公選也要當立名字未用問升斗應呼釣詩釣
 亦號掃愁帚君知蒲萄惡正是嫫姆黜須君灑海盃
 澆我談天口

送路都曹一首并引

平崖公在蜀有錄曹參軍老病廢事公責之曰胡不
 歸明日參軍求去且以詩留別其略曰秋光都似宦
 情薄山色不如歸意濃公驚謝之曰吾過矣同僚有
 詩人而吾不知因留而慰薦之子幼時聞父老言恨
 不問其姓名今都曹路君以小疾求致仕予誦此語

留之不可乃採前人意作詩送之并送趙德麟陳俊
 常各賦一篇

積雪困桃李春心誰為容淮光釀山色先作歸意濃
 我亦倦游者君息繫踈慵欲留耿介士伴我衰遲蹤
 吏課升斗積崎嶇等鉉春那將露電身坐待收千鍾
 結髮空百戰市人看先封誰能搔白首抱關望夕峰
 子意亮已成我言寧復從恨無垂崖老一洗芥蒂胸
 我田荆谿上伏臘亦粗供懷哉江南路會作林下
 逢

次韻陳履常雪中一首

可憐擾擾雪中人，飢飽終同寓一塵。
老檜作花真強項，凍禽儲肉巧謀身。
忍寒吟咏君堪笑，得煖謹呼我未貧。
坐聽履聲知有路，擁裘來看玉梅春。

二鮮于君以詩文見寄作詩為謝

我懷元祐初，珪璋滿清班。
維時南陽老，奉使獨未還。
迂叟向我言，青齊歲方艱。
斯人乃德星，遣出虛危間。
詞馬溫公謂軾曰子駿福星也京東人困甚且令往彼
名用既晚矣，天命良復
慳。一朝失老驥，寂寞空帝閑。
至今清夜夢，枕衾有餘
潛喜聞二三子，結髮師閔顏。
高論已河漢，清詩鳴珮
環。遙知三日雪，積玉埋崧山。
誰念此幽桂，坐蒙榛與

管故人在穎尾，投詩清冷灣。

次韻趙德麟雪中情梅且餉棋酒三首

予花未分出，梅餘遣雪摧。
殘計已踈卧，聞點滴如秋。
雨知是東風，為掃除。

蘭苑千葩映玉宸，人間祇有此花新。
飛雲要欲先桃李，散作千林火迫春。

蝶躐嬌黃不受鞿，東風暗與色香歸。
偶逢白墮爭春手，遣入王孫玉笋飛。

和陳傳道雪中觀燈

新年樂事歎何曾，閉閣燒香一病僧。
未忍便傾澆別

東坡後集卷之三
酒且來同看照愁燈
穎魚躍處新亭近
湖雪消時畫舫升
祇恐樽前無此客
清詩還有士龍能

閱世亭詩贈任仲微

任公鎮西南
嘗貽繞朝榮
當時若盡用
善陣無赫赫
淒涼十年後
邪正久已白
却留封德彝
天意豈難測
象賢真驥種
號訴耳百謫
豈云報私仇
徇福指絡脉
高才食舊德
但恐里門窄
傷心千騎歸
贈印黃壤隔
惟有亭前檜
閱世不改色
千年與并在
記此玉壘宅

新渡寺送任仲微

春陰欲落雪野氣方升
雲我游清穎尾想見翠微

古來聚散地與子復言分
倦游安稅駕瘦田失歸耘
獨宿古寺中荒雞亂鳴群
送子以曉角幽幽醒時聞

送運判朱朝奉入蜀七首

鶯鶯青城雲娟娟峨眉月
隨我西北來照我光不滅
我在塵土中白雲呼我歸
我游江湖上明月濕我衣
岷峨天一方雲月在我側
謂是山中人相望了不隔
夢尋西南路默數長短亭
似聞嘉陵江跳波吹錦屏
送君無一物清江飲君馬
路穿慈竹林父老拜馬下
不用驚走戲使者我友生
聽訟如家人細說為汝評
若逢山中友問我歸何日
為話腰腳輕猶堪踏泉石

病中夜讀朱博士詩

病眼亂燈火細書數塵沙君詩如秋露淨我空中花
古語多妙寄可識不可誇巧笑在頰頰哀音餘摻搗
曾坑一掬春紫餅供千家懸知貴公子醉眼無真茶
崎嶇爛石上得此一寸茅緘封勿浪出湯老客未嘉

趙德麟餞飲湖上舟中對月一首

老守惜春意主人留客情官餘閑日月湖上好清明
新火發茶乳溫風散粥飴酒闌紅杏閣日落大堤平
清夜除燈坐孤舟擘岸撐連君幘未墮對此月猶橫

贈朱遜之并引

元祐六年九月與朱遜之會議于穎或言洛人善撲
花歲出新枝而菊品尤多遜之曰菊當以黃為正餘
可鄙也昔叔向聞驪茂一言知其為人予於遜之亦
云

黃花候秋節遠自夏小正坤裳有正色鞠衣亦令名
一從人偽勝遂與天力爭易性寓非族改顏隨所分
新奇既易售粹駁宜相傾疾惡逢伯厚識真似淵明
君言我所印世論誰改評願君為霜風一掃紫與頰

和趙德麟送陳傳道

二陳既妙士兩歐惟德人王孫乃龍種世有籥雲鱗

五君從我游傾寫出怪珍俗物敗人意茲游實清醇
邨知有聚散佳夢失欠伸我舟下清淮沙水吹玉塵
君行踏曉月疎木挂寸銀尚寄別後詩翦刻淮南春

上巳日與二子追過游塗山荆山記所見
一首

此生終安歸還軫天下半榻來乘探廟復作微禹歎

昔自南河赴杭州過此蓋二十二年矣從祠及彼呱有啓像設偶此繁

謂塗山氏秦祖當侑坐謂伯翳夏郊亦薦裸有鯀可憐淮海

人尚記孤矢旦淮南人相傳禹以六月六日生是日數萬人會山上雖傳記不載然相傳

如荆山碧相照楚水清可亂別人有餘坑羨石肖温

璜荆山下有卞氏採玉坑石色如玉不龜泉木抄出受鏡刻取出山下輒變色不復温瑩

牛乳石池漫石池漫流者有石記云唐正元中隨白

出龜流小兒強好古侍史笑流汗歸時蝙蝠飛炬火記

遠岸

淮上早發

澹月傾雲曉角哀小風吹水碧鱗開此生定向江湖

老默數淮中丁往來

次韻徐仲車一首 仲車耳聾

惡衣惡食詩愈好恰似霜松轉春鳥蒼蠅莫亂遠雞

聲世上誰如公覺早八年看我走三州元豐八年元祐

四年赴杭州今赴揚州皆見仲車月自當空水自流人間擾擾真蟻蟻應笑人呼作鬪牛

次韻林子中春日新堤書事見寄

東都寄食似孤雲僕被真成一宿宿收得玉堂揮翰手却為淮月弄舟人羨君湖上齋搖碧笑我花時既
揚州近歲率為此會用花十餘萬枝吏緣為姦民極病之故罷此會

送陳伯脩察院赴闕

裕陵固天縱筆有雲漢姿嘗重連山象不數秋風辭
龍騰與虎變豕豹復何施我窮真有數文字乃是紅

君射策日妙語發疇咨一日喧萬口驚倒同舍兒
豈知二十年道路猶遲遲苦言如藥石瞑眩終見思
屈信反覆手獨於君可疑四門方穆穆行矣及此時
送張嘉父長官

都城昔傾蓋駿馬初服輶舟見江湖間秋鷹已難辯
于今三會合每進不少留豫章既可識瑚璉誰當收
徵官有民社妙割無雞牛歸來我益敬器博用自周
百年予初筮我已迫旅酬但當記苦語高節貫白頭
軾在穎州與趙德麟同治西湖未成改揚州三月十六日湖成德麟有詩見懷次韻

一首

太山秋毫兩無窮鉅細本出相形中大千起滅一塵

裏木覺杭穎誰雌雄未詩云與我在錢塘拓湖淶大

堤上女爭昌丰六橋橫絕天漢上北山始與南屏通

忽驚二十五萬丈老葑席卷蒼雲空竭來頰尾弄秋

色一水縈帶昭靈宮坐思吳越不可到借君月斧脩

腫隴二十四橋亦何有授此十頃玻璃風雷塘水乾

禾黍滿寶釵耕出餘鸞龍明年詩客來弔古伴我霜

夜號秋蟲德麟見約來揚寄
居亦有意求揚伴

次韻趙德麟西湖新成見懷絕句一首

壺中春色

謂洞庭
春色也

飲中仙騎鶴東來獨惘然猶有趙

陳同李郭不妨同泛過湖船

再次韻趙德麟新開西湖一首

使君不用山麴窮飢民自逃泥水中欲將百瀆起凶

歲免使甌石愁揚雄西湖雖小亦西子縈流作態清

而丰于夫餘力起三閘焦陂下與長淮通十年憔悴

塵土窟清瀾一洗啼痕空王孫本自有仙骨平生宿

衛明光宮一行作吏人不識正似雲月初朦朧時臨

此水照冰雪莫遣白髮生秋風定須却致兩黃鵠新

與上帝開濯龍湖成君歸侍帝側燈花已綴釵頭蟲

予以穎人善戲奏乞留黃河夫高人修
境內清洫詔許之因以餘力浚治此湖

到官病勅未嘗會客毛正仲惠茶乃以端
午小集石塔戲作一詩為謝

我生亦何須一飽萬想滅胡為設方丈養此膚寸舌
爾來又衰病過午食輒噎繆為淮海帥每愧厨傳缺
爨無欲清人奉使免內熱空煩赤泥印遠致紫玉玦
為君伐羔豚歌舞孤黍節禪窓麗午景蜀井出冰雪
坐客皆可人鼎甌手自挈金釵候湯眼魚蟹亦應訣
遂令色香味一日備三絕報君不虛授知我非輕啜

雙石一首并引

奎揚州獲二石其一綠色周巒迤邐有穴達于背其
一玉白可鑿漬以盆水置几案間忽憶在穎州日憂
人請住一官府榜曰仇池覺而誦杜子美詩曰萬古
仇池六潛通小有天乃戲作小詩為僚友一笑
夢時良是覺時非汲水埋盆故自癡但見玉峰橫太
白便從鳥道絕峨眉秋風與作煙雲意曉日令溼早
木姿一點空明是何處老人真欲住仇池

次韻和晁無咎學士相迎一首

少年獨識晁新城閉門却掃卷旆旌胸中自有談天
口坐却秦軍發墨守有子不為謀置雖虹霓吞吐忘

寒飢端如太史牛馬走嚴徐不敢連尻脰裹回未用
疑相待枉尺知君有家戒避人聊復去瀛洲半找真
能老淮海夢中仇池千仞巖便欲攬我青霞幘且須
還家與婦計我本歸路連西南老人飲酒無人佐獨
看紅藥傾白墮每到平山憶醉翁懸知他日君思我
路旁小兒笑相逢齊歌萬事轉頭空賴有風流賢別
駕猶堪十里卷春風

次韻范淳父送秦少章一首

宿緣在江海世網如予何西來庾公塵已濯長淮波
十年淮海人初見一麥禾但欣爭訟少未覺舟車多

秦即忽過我賦詩如卷阿句法本黃子

謂魯在也

二毫與

指磨

其兄少潛與張文潛

嗟我久離群逝將老西河後生多名

士欲薦空悲歌小范真可人獨肯勤收羅瘦馬識驂

耳結桐得雲和近聞館李生

李薦方叔

病鶴借

一柯贈行

苦說我妙語慰嗟蹉西羗已解仇烽火連朝那坐籌

付公等吾將寄潛沈

靈隱前一首贈唐林夫

靈隱前天竺後兩澗春淙一靈鷲不知水從何處來
跳波赴壑如奔雷無情有意兩莫測肯向冷泉亭下
相縈回我在錢塘六百日山中暫來不暖席今君欲

東坡後集卷之二
作靈隱居葛本草履隨僧蔬能與冷泉作主一百日
不用二十四考書中書

滕達道挽詞二首

先帝知公早虛懷第一人至今詩禮將惟數武宣臣
材大雖難用時來亦少信高平風烈在威敏典刑新
公少受知於范帝文孫元覲空試乘邊策寧留相漢身淒涼舊部

曲淚濕塚前麟

雲夢連江雨樊山落木秋公方占賈鵬我正買龔牛
共有江湖樂俱懷吠畝憂荆溪欲歸老浮玉偶同游
翫髀儀刑在驚呼歲月邁回頭雜歌哭挽語不成謳

次韻蘇伯固遊蜀岡送李孝傳奉使嶺表
新苗未沒鶴老葉方翳蟬綠渠浸麻水白板燒松煙
笑窺有紅頰醉卧皆華顛家家機杼鳴樹樹槩桑椹
野無佩犢子府有騎鶴仙觀風嶠南使出相山東賢
渡江弔狼石過嶺酌貪泉與君共徒倚望彼脩連娟
願及南枝謝早隨北鴈翩歸來春酒熟共看山櫻然
送晁美叔一首

我年二十無朋儔當時四海一子由君來扣門如有
承願然病鶴清而脩醉翁遣我從子游翁如退之誦
朝丘尚欲放予出一頭嘉祐初載黃子由寓與國浴室美叔忽見訪云君從歐陽

公游久矣公令我來與子定交謂子酒醒夢斷四十
必名世老夫亦須放他出頭也
秋病鶴不病骨愈蚌惟有我顏老可羞醉翁賓客散
九州幾人白髮還相收我如懷祖拙自謀正你尚書
已過優君求會稽實良籌往看萬壑爭交流越州
王文王挽詞

才名誰似廣文寒月斧雲斤琢肺肝玄晏一生都卧
病子雲三世不遷官幽蘭空覺香風在宿草何曾淚
葉乾猶喜諸郎有曾志文章還復富波瀾

送芝上人游廬山

三年閱三州我老不自惜團團如磨牛步步踏陳迹

豈知世外人長與魚鳥逸老芝如雲月炯炯時一出
比年三見之常若有所適逝將走廬阜計閱道愈密
吾生如寄耳出處誰能必江南千萬峰何處訪予室

送程德林赴真州

君為縣令元豐中吏貪功利以病農君欲言之路無
從移書諫臣以自通諫臣蹇元豐天子為改容我時
疋馬江西東問之逆旅言頗同老人愛君如劉寵小
兒教君如魯恭爾來明目達四聰收拾駟駿冀北空
君為赤令有古風政聲直入明光宮天厩如海養群
龍并收其子豈不公君之子和率制策文白沙何必

頰此翁

谷林堂詩一首

深谷下窈窕高林合扶踈美哉新堂成及此秋風初
我來適遇雨物至如娛予穉竹真可人霜節已專車
老槐苦無賴風花吹填渠山鴉爭呼號谿蟬獨清虛
寄懷勞生外得句幽憂餘古今正自同歲月何必書
予少年頗知種松手植數萬株皆中梁柱
矣都梁山中見杜與秀才求學其法戲贈
二首

露宿泥行草棘中十年春雨養髯龍如今尺五城南

杜欲問東坡學種松

君方掃雪收松子我已開榛得伏苓為問何如插楊
柳明年飛絮作浮萍

行宿泗間見徐州張天驥次舊韻

二年二躡過淮舟欵段還逢馬少游無事不妨長好
飲著書自要且窮愁孤松早偃元非病倦鳥雖還豈
是休更欲河邊幾來往祇今霜雪已蒙頭

次韻劉景文贈傅曦秀才

窈眇文章宜和寡崢嶸肝肺亦交難未能飛瓦彈清
角肯便投泥戲潑寒忽見秋風吹洛水遙知霜葉滿

東坡後集卷之三
長安詩成送與劉夫子莫遣孫郎帳下看

在彭城日與定國為九日黃樓之會今復
以是日相遇于床凡十五年憂樂出處有
不可勝言者而定國學道有得百念交冷
而顏益壯顧予衰病心形俱瘁感之作詩
菊殘莫囊自古傳長房寧復是臞仙應從宋武橫刀
日數到劉公戲馬年對玉山人雖老矣見恒河性故
依然王郎九日詩十首今賦黃樓第二篇

九日次定國韻一首

朝菌無晦朔蟪蛄疑春秋南柯已一世我眠未轉頭

仙人視吾曹何異蜂蟻稠不知蠻觸氏自有兩國憂
我觀去來今未始一念留奔馳竟何得而起無窮羞
王郎誤涉世屢獻久不酬黃金散行樂清詩出窮愁
俛仰四十年始知此生浮軒裳陳道路往往兒童夜
封侯起大第或是君家驪似聞負敗人中有第一流
炯然徑寸珠藏此百結衷意行無車馬倏忽略九州
邂逅獨見之天與非人謀笑我方醉憂衣冠戲沐猴
力盡病騏驎伎窮老伶優北山有雲根寸田自可穰
會當無何鄉同作逍遙遊歸來城郭是空有繫累丘
名還至都門先寄子由一首

東坡集卷之三
老身倦馬河堤永踏盡黃榆綠槐影荒雞號月未三
更客夢還家得俄頃歸老江湖無歲月未填溝壑猶
朝請黃門殿中奏事罷詔許來迎先出省已飛青蓋
在河梁定餉黃封兼賜茗遠來無物可相贈一味豐
年說淮頴

次韻定國見寄

還朝如夢中雙闕眩金碧復穿鷓鴣行強寄麋鹿迹
勞生苦書短展轉不能久默坐數更鼓流水夜自逆
故人為我謀此志何由畢越吟知聽否誰念病莊鳥
請越方

次韻蔣穎叔錢穆父從

駕景靈宮二首

歸來病鶴記城闈舊踏松枝雨露新半白不羞垂頰
髮軟紅猶戀屬車塵雨收九陌豐登後日麗三元下
降辰粗識君王為民意不才何以助精禋前草賦語
有西湖風

月不如東華
軟紅香土

與君並直記初元白首還同入禁門玉殿齊班容小
語霜迂稽首泣微溫適與穆父並拜庭中地
病貪賜
若浮銅葉老怯香泉灑寶樽回首鴈行有人傑坐知
羞虜是游魂

東坡後集卷第二

東坡後集卷第三
詩六十四首

軾近以月石硯屏獻于功
下書公復以瀟星硯獻純
父侍講于功有詩純父亦也復
以月石風林屏贈之謹和于功詩并求純
父數句

紫潭出玄雲翳我潭中星獨有潭
一月倒挂紫翠屏我老不看書
默坐養此昏花睛時時一開眼
見此雲月眼自明久知世界一
泡影大小共偽何足評笑彼
三子歐蘇梅無事自作雪羽爭
事人詩集故將屏硯送

兩范要使珠璧栖因擣大范忽長謔語出月脇令人

驚皇甫混云穿天心出月語非尋常小范當繼之說破星心如

雞鳴孟郊聞雞詩云似問孤月口能說落星心林頭復一月下有風林橫

急送小范家護此涵星泓願從少陵博一句山木盡

與洪濤傾

次韻范純父涵星硯月石風林屏詩一首

月次于房歷三星斗牛不神箕獨靈幾搖桑榆盡西

靡影落蘇子硯與屏天工與我兩厭事孰居無事為

此形與君持素侍帷幄同到以室觀堯堯自憐太史

牛馬走技等卜祝均倡給欲回田衣冠往神武便擊雲

水歸南溟陶泓不稱管城沐醉石可助平泉醒故持

二物與太子欲使妙質留天庭但令滋液到枯槁勿

遺光景生晦冥上書挂名豈待我獨立自可當雷震

我時醉眠風林下夜與漁火同青笑撫物懷人應獨

歎休詩寄子誰當聽

次韻錢穆父會飲一首

彈冠恨不早挂冠常苦遲盛服每假寐角闕時伏思

東門未祖道西山空柱頤逝將江海去安此麋鹿交

要當謀三徑何暇擇一枝與君幾合散得酒忘涼涼

君談似落屑我飲如奕碁世有作詩如奕棋奕棋如飲酒飲酒乃天戒之語僕此二

東坡後集卷之三
不能居官不任事造物真見私主人獨賢勞金穀方
流馳行人亦結束杖屨乃歸期公卿雖少安河流正
東醜我得會稽去方田良不癡

次韻穆父尚書侍祠郊立瞻望

天光退而相慶引滿醉吟一首

千章杞梓蔭雲天樗散誰收老鄭虔喜氣到君浮白
裏豐年及我挂冠前令嚴鍾鼓三更月野宿貔貅萬
竈煙六息何人知帝力歸來金帛看顏肩

郊祀慶成詩一首

帝出東昌運天心予太平文章三代繼制作今年成

大祀乾坤合制辰日月明泰壇朝掃地魄寶夜垂精
仰銜圓蒼蓋環觀海嶽城北流吞朔易西極落樓搶
升輝靈光蒼回鑿瑞霧迎需雲徧積槁解雨達勾萌
可頌非天德因歲亦下情民言知有酌帝謂本無聲
富國由崇儉斬年在好生無心斯格物克已自消兵
化國安新政孤臣反舊耕還將清廟什留與野人賡
次韻奉和錢穆父將穎叔王仲至詩四首
見和西湖月下聽琴

謾謾松下風藹藹壠上雲聊得竊比我不堪持寄君
半生寓軒冕一笑當琴尊良辰飲文字晤語無由醺

我有鳳鳴枝肯作蛇蚶紋月明委靜照心清得奇聞
當呼玉潤手一洗羯鼓昏請歌南風曲猶作虞書渾
家有雷琴甚奇古玉潤道人
雀開妙於雅聲當呼使彈

見和仇池

上窮非想亦非非下與風輪共一癡翠羽若知牛有
角空餅何必井之眉還朝暫接鷓鴣翼謝病行收麋
鹿姿記取和詩三益友他年弭節過仇池

玉津園

承平苑囿雜耕桑六聖勤民計慮長碧水東流還舊
派王岸分藥河上
後合于下紫壇南峙未連岡不逢遲日與朝花

空想疎林雪月光千畝何時躬帝藉斜陽寂歷
莊

藉田

竊脂方紀瑞布穀未催耕魚豢依蘋渚蝸涎上絲搯
江湖來夢寐簞笠負平生琴囊思歸曲因君一再行
頃年楊康功使高麗遠奏乞立海神廟板
橋僕嫌其地湫隘移音使遷之文登因古
廟而新之揚竟不從不知定國何從見此
書作詩稱道不已僕不復記其云何也次

韻答之

退之仙人也遊戲於斯文談笑出世評奇鼓舞南海神

頃年三韓使幾為鮫鰐吞歸來築祠宇要使百賈奔

教橋商賈所聚我欲遷其廟下數浮空群謂登州海市移書竟不

從信非磊落人公胡為拳拳繫此空十下雲作詩頌其

美何異刻劔痕我今已括囊象在六四坤

沐浴啓聖僧舍與趙德麟邂逅一首

南山北澗兩非真東嶺西湖迹已陳季子來歸初可

喜老聃新沐定非人酒清不醉休休暖猫穩如禪息

息勻自笑塵勞餘一念明年同泛越谿香

次韻王仲至喜雪御筵一首

三軍喜氣鑠飛花睡起空驚月在沙未集驂騮金腰

褭故殘鳩鵲玉橫斜偶還仗內身如寄尚憶江南酒

可賒宣勸不多心自醉強扶衰白拜君嘉

僕所藏仇池石帝代之寶也王晉卿以小

詩借觀意在於奪僕不敢不借然以此詩

先之

海石來珠宮秀色如蛾綠坡陀尺寸間宛轉陵巒足

連娟二華頂空洞三茅腹初疑仇池化又恐瀛洲蹙

慙慙嶠南使覩餉淮東牧僕在揚州程德孺白巖得

之喜無寐與汝交不瀆盛以高麗盆藉以文登玉以僕

高麗所鑄大銅盆貯之又以幽光先五夜冷氣壓三
登州海石如碎王者附其足伏老人生如寄衡茅久未卜一夫幸可致千里還相
逐風流貴公子窠謫武當谷見山應已厭何事奪所
欲欲留嗟趙弱寧許負秦曲傳觀慎勿許問道歸更
速

次天字韻答岑巖起

一聲清蹕霧開天百辟心莊豈貌虔回顧驚君珠玉
側同升愧我糝糠前裴回月色留壇影縹緲松香泛
蠟煙近制以林燭
松明易林盆莫歎即潛生白髮聖朝求舊鄙爲

有

石塔寺一首 并引

世傳王播飯後鐘詩蓋揚州石塔寺事也相傳如此
戲作此詩

飢眼眩東西詩腸忘蚤晏雖知燈是火不悟鐘非飯
山僧異漂母但可供一莞胡為三百年記憶作此訕
齋厨養若人無益祇遺患乃知飯後鐘閑黎蓋具眼
次韻蔣穎叔二首

扈從景靈宮

道人幽夢曉初還已覺笙簫下月壇風伯前驅清宿
霧祝融駘乘破朝寒英姿連壁從多士妙句鏘金和

八鑿已向詞臣得頗牧

時頴叔集除熙河帥

路人莫作老儒看

凝祥池

似知金馬客時夢碧雞坊水雪消殘臘煙波寫故鄉
鳴鑿自容與立馬久回翔乞與三韓使新圖到樂浪

時高麗使在都下每至勝境輒圖畫以歸

和叔益畫馬次韻

天驥德力備馬外龍麟中皇天不遣言兀與圖畫同
驚駘飽官粟未受一洗空十駕均一至何事箭雲風
王晉卿示詩欲奪海石錢穆父王仲至蔣
穎叔皆次韻穆至二公以為不可許獨穎

叔不然今日穎叔見訪親覩此石之妙遠

悔前語軼以謂晉卿豈可終閉不予者若

能以韓幹一散馬易之者蓋可許也復次

前韻

相如有家山縹眴在眉綠誰云千里遠寄此一鑿足
平生錦綉腸蚤歲藜苲腹從教四壁空未遣兩峰愛
吾人况衰病義不忘樵牧逝將仇池石歸沂岷山瀆
守子不貪寶完我無瑕玉故人詩相形妙語予所伏
一篇獨異論三占從兩卜君家畫可數天驥紛相逐
風駿探原野電尾梢澗谷君如許相易是亦我所欲

今朝安西守來聽陽關曲勸我留此峰他日來不速
軾欲以石易畫晉卿難之穆父欲兼取二
物穎叔欲焚畫碎石乃復次前韻并解三

詩之意

春冰照真堅露葉失故綠鷄疑鵬萬里竄笑變一足
二豪爭攘袂先生一捧腹明鏡既無臺淨餅何用甕
古賦盆山不可隱畫馬無由牧聊將置庭宇何必棄
溝瀆焚寶真愛寶碎玉未忘玉久知公子賢出語者
年伏欲觀博物妙故以求馬卜維摩既復捨天女還
相逐授之無盡燈照此久幽谷定心無一物夫豈勝

五欲三峨吾鄉井萬里君部曲卧雲行歸休破賊見
神速音御將種
常有此志

生日蒙劉景文以古畫松鶴為壽且賦嘉
篇次韻為謝

問予一室間寧有千里廓塵心洗長松遠意發孤鶴
生朝得此壽死籍疑可落微言在衆同歎焚藏九簞
故人有竒趣逸想寄幽壑霜枝謝寒暑雲翮無前却
何須構明堂未羨巢阿閣緬懷別時語復作數日惡
詩腴固堪食字瘦還可愕高標忽在眼清夢了如昨
君今會等伍志與湛菴各豈待相顧言方為不朽託

子雲老執戟長孺終主爵吾當追喬松子亦鄙衛霍
程德孺惠海中柏石兼辱佳篇輒復和謝
嵐薰瘴染却膚腴笑飲貪泉獨繼吳未欲連車收薏
苡肯教沉網取珊瑚不知庾嶺三年別收得曹谿一
滴無但指庭前雙柏石要予臨老識方壺

次秦少游韻贈姚安世

帝城如海欲尋難肯捨漁舟到杏壇剝啄扣君容膝
戶魏峨笑我切雲冠問羊獨怪初平在牧豕應同德
耀者肯把參同較同異小窓相對為研冊

次丹元姚先生韻一首

浮生知幾何僅熱一釜羹那於俯仰間用此委曲情
自憐無他勝偶亦得此生懸知當去客中有不亡存
但恐宿緣重每為習氣昏似聞梅子真近在吳市門
未能肩拊洪但欲口擊溫不敢扣門呼恐作踰垣奔
且令紹介先徐以方便論不學劉更生黃金鑄尚方
不學房次律身事問穎陽王烈亦何人叔夜未可量
獨見神山開遽食石髓香至道尚聽瑩麤材終蹶張
先生喜而笑幅巾登我堂苦誓指黃壤要言刻青琅
蓬萊在何許弱水空相望且當從嵇阮聊復數山王
達人友四海曲士守一彊慎勿使形謀兒童驚夜光

次韻秦少游王仲至元日立春三首

省事天公厭兩回新年春日併相催
慙慙更下山陰雪要與梅花作伴來

已卯嘉辰壽阿同願渠無過亦無功
明年春日江湖

上回首觚稜一夢中子由一宇同叔元

詞鋒雖作楚騷寒德意還同漢詔寬
好遣秦郎供帖

子盡驅春色入毫端立春日翰林學士供詩帖

上元侍飲樓上三首呈同列

澹月疎星透建章仙風吹下御爐香
侍臣鵠立通明

觀一朵紅雲捧玉皇

薄雪初消野未耕膏薪買酒看升平
吾君勤儉得

拙自是豐年有笑聲

老病行穿萬馬群九衢人散月紛紛
歸來一點殘燈

在猶有傳棋遺細君詩殿樓上則責感爭以黃世

送蔣穎叔帥熙河詩

穎叔出使臨州軾與穆父仲至同餞之
各賦詩一篇

以今我來思為韻致適歸之意賦得我字

西方猶宿師論何不及我苟無深入計
緩帶我亦可

承明正須君文字繁辭火自薦雖云數
留行終不果

正坐喜論兵臨老付邊瑣新詩出談笑
僚友困掀簸

我欲歌杖杜楊柳方婀娜邊風事首虜所得蓋么麼
願為魯連書一射聊城寄陰功在不殺結章酬魏顆

再送二首

使君九萬擊鵬鯤肯為陽關一斷魂不用寬心九千
里安西都護國西門

餘刃西屠橫海鯤應予詩識是遊魂歸來趁別陶洪
景看挂木冠神虎門

次韻頴叔觀燈一首

安西老守是禪僧到處應然無盡燈未夜出遊從萬
騎諸羌入看擁千層便因行樂令投甲不用防秋更

打冰振旅歸來還侍燕十分宣勸恐難勝

次韻王晉卿奉詔押高麗燕射

北苑傳呼陛楯郎東夷初識令君香天山自可三箭
取海國何勞一葦航宣勸不詞金盃側醉歸爭看玉
鞭長錦囊詩草勤收拾莫遣雞林得夜光

次韻錢穆父王仲至同賞田曹梅花

寒廳不知春獨立耿玉雪閉門愁未夜罨酒及明發
忽驚庭戶曉未受煙雨沒浮光風宛轉照影水方折
鬢霜未易掃眉斧真自伐惟當此花前醉卧黃昏月
送襄陽從事李友諒歸錢塘

居杭積五歲自意本杭人故山歸無家欲卜西湖隣
良田不難買靜士誰當親髯張既超然老潛亦絕倫
李子冰玉姿文行兩清淳歸從三人游使足于此身
公堤不改昨姚嶺行開新幽夢隨子去松花落衣巾
次韻吳傳正枯木歌一首

天公水墨自奇絕瘦竹枯松寫殘月夢回踈影在東
窗驚怪霜枝連夜發生成變壞一彈指乃知造物初
無物古來畫師非俗士妙想實與詩同出龍眠居士
奉詩人能使龍池飛霹靂君雖不作丹青手詩眼亦
自工識拔龍眠胸中有千翻不獨畫肉兼畫骨但當

與作少陵詩或自與君拈秃筆東南山水相招呼萬
象入我摩尼珠盡將書畫散朋友獨與長鋏歸來乎

送黃師是赴兩浙憲

世久無此士我晚得王孫寧非叔度家豈出次公門
白首沈下吏綠衣有公言哀哉是越人久為江湖吞
官自倒帑廩飽不及黎元近聞海上港漸出冰底村
願君五袴手招此半菽魂一見刺史天稍忘獄吏尊
會稽入吾手鏡湖小於盆比我東來時無復瘡痍存
送范中濟經略侍郎分韻賦詩軼得先字
且贈以魚枕盃四馬箠一

梁季父樂禍自焚豈非天兩鼠鬪穴中一勝亦偶然
謀初要百慮善後乃萬全廟堂選世將范氏真多賢
仁風被宿麥綠浪搖秦川號令聳毛羽先聲落虛弦
我家天一方去路城西偏投竿困障日賣劍行歸田
贈君荆魚盃副以蜀馬鞭一醉可以起母令祖生先
書晁說之考牧圖後

我昔在田間但知羊與牛川平牛背穩如駕百斛舟
舟行無人岸自移我卧讀書牛不知前有百尾羊聽
我鞭聲如鼓鞞我鞭不妄發視其後者而鞭之澤中
草沐長草長病牛羊尋山跨坑谷騰躡筋骨強煙衰

雨笠長林下老去而今空見畫世間馬耳射東風悔
不長條多牛翁

呂與叔學士挽詞

言中謀猷行中經關西人物數清英欲過叔度留終
日未識魯山空此生論議凋零三益友功名分付二
難兄老來尚有憂時歎此涕無從從何處傾

丹元子示詩飄飄然有謫仙風氣吳傳正
繼作復次其韻

飛仙亦偶然脫命瞬息中惟詩不可擬如駕天日容
夢中哦七言玉丹已入懷一語遭虐綽夫身墜蓬萊

蓬萊至今空護短不養才上界足官府謫仙應退休
可憐吳與蘇骭醜雪滿頭雪滿頭終當却與丹元子
笑指東海乘桴浮

次王定國韻書丹元子寧極齋

仙人與吾輩寓迹同一塵何曾五漿餽但有爭席人
寧極無常居此齋自隨身人那識郝鑿天不留封倫
誤落世網中俗物愁我神先生忽扣戶夜呼祁孔賓
便欲隨子去著書未絕麟願挂神虎冠往卜飲馬鄰
王即濯紈綺意與陋巷親南游苦不蚤僮及尊鱸新
王仲至侍郎覩惠穉枯種之禮曹北垣下

今百餘日矣蔚然有生意喜而作詩

翠枯東南美近生神嶽陰惜哉不可致霜根絡雲岑
仙風振高標香實墮平林偶隨樗櫟生不為樵牧侵
忽驚黃茅巔稍出青玉鍼好事雖力取王城少知音
豈無換鵝手但知覓來禽高懷獨夫子一見捐橐金
得之喜不寐贈我意殊深公堂開後閣凡木愧華簪
栽培一寸根寄子百年心常恐樊籠中催我鸞鶴吟
誰知積雨後寒芒曉森森恨我迫歸老不見汝十尋
蒼皮護玉骨旦莫視古今何人風雨夜卧聽虬龍吟
次韻錢穆父馬上寄蔣穎叔二首

玉關不用一丸泥自有長城鳥嵐西剝與故人尋土
物臙糟紅麴寄馳蹄

多買黃封作洗泥使君來自隴山西高才得免人人
羨爭欲尋蹤覓舊蹄

表弟程德孺生日一首

仗下千官散紫庭時聞小語說蘇程長身自昔傳甥
舅壽骨遙知是弟兄予與君皆壽骨真耳班列中多
指予二人不問而知其為中表

也曾活萬人寧望報居在楚州予在杭州
皆過飢歲活數萬人祇求五畝
却歸耕四朝遺老凋零盡鶴髮他年幾箇迎

七年九月自廣陵台還復館于浴室東山下

八年六月乞會稽將去汶公乞詩乃復用
前韻

乞郡三章字半斜廟堂傳笑眼昏花上人問我遲留

意待賜頭綱八餅茶尚書學士得賜頭綱龍茶
一斤八餅今年綱創最遲

夢遶吳山却月廊白梅盧橘覺猶香杭州梵天寺有
白梅數百間寺

中多白楊會稽且作須臾意從此歸田榮最良

東南此去幾時歸倦鳥孤雲豈有期斷送一生消底

物三年光景六篇詩

吳子野將出家贈以扇山枕屏一首

峩峩扇中山絕壁信天剖誰施大圓鏡衡霍入戶牖

得之老月師畫者一醉叟常疑若人胸自有雲夢藪
千巖在掌握用捨彈指久低昂不自知恨寄兒女手
短屏雖曲折高梳謝奔走出家非今日法水洗無垢
浮游雲釋嶠燕坐柳生肘忘懷紫翠間相與到白首

東府雨中別子由

庭下梧桐樹三年三見汝前年適汝陰見汝鳴秋雨
去年秋雨時我自廣陵歸今年中山去白首歸無期
客去莫歎息主人亦是客對床定悠悠夜雨空蕭瑟
起折梧桐枝贈汝千里行重來知健否莫忘此時情

謝仲適坐上送王敏仲北使

衝風振河朔飛霧失太行相逢不相識下馬須眉蒼
洗眼忽驚笑見此玉節即喜有賢主人共此燈燭光
聚散一夢中人北鴈南翔吾生如寄耳送老天一方
幸子遇明主陳經入西廂歸期不可緩倚相宜在傍
書冊元子所示李太白真

天人幾何同一漚謫仙非謫乃其游麾斥八極隘九
州化為兩鳥鳴相酬一鳴一止三千秋開元有道為
少留縻之不可矧肯來西望太白橫峨岷眼高四海
空無人大兒汾陽中令君小兒天台坐忘真生年不
知高將軍手汗吾足乃敢贖作詩一笑君應聞

次韻曾仲錫承議食蜜漬生荔枝一首

代北寒蟄擣非萍奇苞零落似晨星逢蓋久已成枯
腊得蜜猶應是薄刑欲就左慈求拄杖便隨李白跨
滄溟攀條與立新名字兒女稱呼恐不經俗有十八
娘荔枝

大行太皇太后挽詞二首

至矣吾二后功高漢已還復推元祐冠蓋得永昭

全臣嘗於經筵論奏仁宗皇帝謚曰明孝若明而不
仁則民畏而不愛仁而不明則民愛而不畏今六

行太皇太后亦兼此二德故有作猶非聖無紘乃是
天下思慕庶幾於仁宗也

天侍臣談要道家法信家傳宰相以下嘗於經筵論
奏祖宗以來家法十餘

事書於
詩注

却秋安諸夏先王社稷臣固應祠百世何止活千人
定策天知我忘家帝念親萬方何以報得疾為勤民

再和曾仲錫荔枝一首

柳花着水萬洋萍荔實周天兩歲星柳至易成飛絮
落水中經宿即

為洋萍荔實至難長
二十四五年乃實本自玉肌非鴟浴至今丹殼似

程刑侍郎賦詠第三峽妃子煙塵動四溟莫遣詩人

說功過且隨香草附騷經

次韻滕大夫三首

雪浪石

大行西來萬馬屯勢與岱嶽爭雄尊飛狐上黨天下

脊半掩落日先黃昏削成山東二百郡氣壓代北三
峯村千峰右卷轟轟牙帳崩崖鑿斷開土門鶴來城下
作飛石一礮驚落天驕魂承平百年烽燧冷此物僵
卧林榆根畫師爭摹雪浪勢天工不見寄斧痕離堆
四面繞江水坐無蜀士誰與論老翁見戲作飛雨把
酒坐看珠跳盆此身自幻孰非夢故園山水聊心存

同前

我領三章乞越州欲尋萬壑看交流且憑造物開山
骨已見天兵出浪頭石中似有履道鑿地跡可證玉
川卷地若為枚洛陽泉石今誰主莫學海人空

沉香石

竈立孤峰倚硯長共疑沉水得頑蒼欲隨楚客纫蘭
佩誰信吳兒是木腸山下曾逢化松石玉中還有辟
邪香早知百和俱灰燼未信人言弱勝強

石芝詩十一引

予昔夢食石芝作詩記之今乃真得石芝於海上予
由和前詩見寄予頃在京師有鑿井得如小兒手以
獻者臂指皆具膚理若生子聞之隱者曰此肉芝也
與子由烹而食之追記其事復次前韻

土中一掌嬰兒新爪指良是肌膚勻見之怖走誰敢

食天賜我尔不及賓旌陽遠游同一許長史玉斧皆
門戶我家韋布二百年祇有陰功不知數跪陳八簋
加六瑚化人視之真魂蘇肉芝烹熟石芝老笑唾熊
掌嘔雕胡老蠶作蠶何時脫夢想至人空激烈古來
大藥不可求真勢常如磁石鐵

鸚鵡歎一首

園中有鸚鵡可呼我欲呼之立坐偶鸚鵡有難色側睨
予豈欲臆對如鵬乎我生如寄良畸孤三尺長脛閣
瘦軀後啄少許便有餘何至以身為子娛驅之上堂
立斯須投以餅餌視若無嘎然長鳴乃下趨難進易

送我不如

送曾仲錫通判如京師

邊城歲莫多風雪強壓春醪與君別玉帳夜談霜月
苦鐵騎曉出冰河裂斷蓬飛葉卷黃沙祇有千林藥
松花應為王孫朝上國珠幢玉節與排衙左授公孝
右孟博我居其間嘯且諾僕夫為我催歸來要與北
海春水爭先回

和錢穆父送別并求頓遞酒次韻

聯鑣接武兩長身鸚鵡驚行中語笑親九子羨君門戶
壯八州憐我往來頻佇聞東府開賓閣便乞西湖洗

塞塵更向青齊竟消息要知從事是何人

東坡後集卷第二

